



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-575-4/22**
Datum: **26.01.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «BOSNA-KOM» d.o.o. Gračanica za donošenje Rješenja o vodnoj dozvoli za ispuštanje oborinskih onečišćenih otpadnih voda sa lokacije objekta benzinske pumpe sa pratećim sadržajima izgrađenog u naselju Soko, grad Gračanica, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «BOSNA-KOM» d.o.o. Gračanica daje se vodna dozvola za ispuštanje oborinskih onečišćenih otpadnih voda sa lokacije objekta benzinske pumpe sa pratećim sadržajima izgrađenog u naselju Soko na zemljištu označenom kao k.č. broj: 3099 K.O. Soko, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u mjesnu kanalizaciju.
 - 2.3. Prečišćene oborinske vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje oborinskih onečišćenih otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.5. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
 - 2.6. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.7. Skladištenje nafte i naftnih derivata vršiti u podzemnim dvoplašnim čeličnim rezervoarima ukupne zapremine 100m³ (2x50m³).
 - 2.8. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).

- 2.12. Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «BOSNA-KOM» d.o.o. Gračanica, dana 24.10.2022.godine, podnijelo je ovoj Agenciji zahtjev za izdavanje vodne dozvole za ispuštanje oborinskih onečišćenih otpadnih voda sa lokacije objekta benzinske pumpe sa pratećim sadržajima izgrađenog u naselju Soko na zemljištu označenom kao k.č. broj: 3099 K.O. Soko, grad Gračanica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 032-0-Reg-21-000555 izdatog dana 10.05.2021. godine od strane Općinskog suda u Tuzli,
- Kopija Uvjerjenja o registraciji poreznog obveznika izdatog dana 22.01.2018. godine od strane Porezne uprave Federacije BiH-Kantonalni porezni ured Tuzla,
- Kopija Rješenja o odobrenju za građenje broj 07-361-83/99 izdatog dana 21.04.1999. godine od strane Sekretarijata za prostorno uređenje, stambeno-komunalne poslove Općina Gračanica (rješenje izdato za Bešić Edhema iz Gračanice),
- Kopija Rješenja o ispunjavanju uslova za obavljanje trgovačke djelatnosti vrste benzinska pumpa broj: 05-20-2104/01 izdatog dana 12.09.2001. godine od strane Službe za budžet, finansije, poduzetništvo i nadzor Općina Gračanica (rješenje izdato za «HB-SINPRO» d.o.o. Gračanica),
- Kopija Rješenja o upotrebi građevine broj: 06-23-1373/01 izdatog dana 10.09.2001. godine od strane Službe za prostorno uređenje, stambeno-komunalne poslove, geodetske i imovinsko pravne poslove Općina Gračanica (rješenje izdato za Bešić Edhema iz Gračanice),
- Ovjerena kopija Rješenja o okolinskoj dozvoli broj: 12/01-1-23-021249/17 izdatog dana 21.12.2017. godine od strane Ministarstva prostornog uređenje i zaštite okolice Tuzlanskog kantona (rješenje izdato za «HB-SINPRO» d.o.o. Gračanica),
- Glavni projekat benzinske stanice urađen 1999. godine od strane «Soko-projekt» d.j.l. Soko-Gračanica (na uvid),

- Ovjerena kopija Rješenja o vodnoj dozvoli broj: UP-I/25-3-40-456-3/17 izdatog dana 25.07.2017. godine od strane «Agencije za vodno područje rijeke Save» Sarajevo (rješenje izdato za «HB-SINPRO» d.o.o. Gračanica),
- Ovjerena kopija Rješenja o vodnoj dozvoli broj: 04/1-13-25-21253/17 izdatog dana 12.07.2017. godine od strane Ministarstva poljoprivrede, šumarstva i vodoprivrede Tuzlanskog kantona (rješenje izdato za «HB-SINPRO» d.o.o. Gračanica),
- Ovjerena kopija Ugovora o prodaji nekretnina broj: OPU-IP.650/2017 zaključenog dana 18.12.2017. godine između Bešić Edhema (vlasnik «HB-SINPRO» d.o.o. Gračanica i «BOSNA-KOM» d.o.o. Gračanica) te ovjeren od strane notara - Buljubašić Zikrija iz Gračanice,
- Kopija Rješenja o vodnoj dozvoli broj: 04/1-11-21-32388/22 izdatog dana 21.10.2022. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Ugovora broj: 049-01/23 o čišćenju separatora i zbrinjavanju opasnog otpada zaključenog dana 19.01.2023. godine sa «KEMEKO-BH» d.o.o. Lukavac,
- Kopija radnog naloga i računa o čišćenju separatora od 23.01.2023. godine,
- Izvještaj o ispitivanju kvaliteta (monitoring) otpadnih voda benzinske pumpe «BOSNA-KOM» d.o.o. Gračanica broj: IV-127-A11/22, 23.05.2022. godine urađen od strane «DVOKUT PRO» d.o.o. Sarajevo,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta dana 22.12.2022. godine i tom prilikom je sačinjen Zapisnik o uviđaju broj: UP-1/21-3-40-575-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni objekat benzinske pumpe sa pratećim sadržajima izgrađen je u naselju Soko, grad Gračanica uz regionalni put Gračanica-Srebrenik. Objekat se sastoji od uslužno-prodajnog dijela, nadstrešnice sa automatima za istakanje goriva, podzemnih rezervoara za skladištenje goriva, radno-manipulativnih površina te separatora masti i ulja. Od strane Agencije ranije za predmetni objekat izdato je Rješenje o vodnoj dozvoli broj: UP-I/25-3-40-456-3/17 od 25.07.2017. godine za pravno lice «HB SINPRO» d.o.o. Gračanica. Objekat je kupljen od strane «BOSNA-KOM» d.o.o. Gračanica dana 18.12.2017. godine (uz zahtjev dostavljena ovjerena kopija Ugovora broj: OPU-IP.650/2017 o prodaju nekretnina ovjeren od strane notara-Buljubašić Zikrije iz Gračanice).

Snabdijevanje vodom predmetnog objekta je obezbijeđeno sa mjesnog vodovoda MZ Soko. Prikupljene sanitarno-fekalne otpadne vode se ispuštaju u mjesni kanalizacioni sistem Soko. Za zahvat vode i ispuštanje sanitarno-fekalnih otpadnih voda je od strane Ministarstva poljoprivrede, šumarstva i vodoprivrede Tuzlanskog kantona izdata vodna dozvola.

Zauljene oborinske vode sa radnih, saobraćajnih i manipulativnih površina benzinske pumpe se sistemom slivnika i kanalizacione mreže prikupljaju i odvođe do tipskog separatora masti i ulja. Preliv iz separatora je, preko okna za monitoring, u mjesnu kanalizaciju. Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima. Smještaj goriva se vrši u ukopanim dvoplašnim čeličnim rezervoarima ukupne zapremine 100m³ (2x50m³).

Monitoring otpadnih voda se vrši redovno. Na uvid je dostavljen Izvještaj o ispitivanju kvaliteta (monitoring) otpadnih voda benzinske pumpe «BOSNA-KOM» d.o.o. Gračanica, maj 2022. godine, urađen od strane «DVOKUT PRO» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Čišćenje separatora i zbrinjavanje opasnog otpada se vrši redovno od strane «KEMEKO-BH» d.o.o. Lukavac (priložen radni nalog i račun o čišćenju separatora od 23.01.2023. godine).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva «BOSNA-KOM» d.o.o. Gračanica ispunio minimum uslova za izdavanje vodne dozvole za ispuštanje oborinskih onečišćenih otpadnih voda sa lokacije objekta benzinske pumpe sa pratećim sadržajima izgrađenog u naselju Soko, grad Gračanica te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-575-2/22 od 09.11.2022.godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju:
Rukovodilac sektora za izdavanje vodnih akata



Haris Alifšehović, dipl.ing.građ.

Dostaviti:

- «BOSNA-KOM» d.o.o. Gračanica
Stjepan Polje bb, 75324 Gračanica
- AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava